

**Zeitschrift:** Le nouveau conteur vaudois et romand  
**Band:** 84 (1957)  
**Heft:** 1

**Artikel:** On bon mochê dè bakon !  
**Autor:** Jèvié  
**DOI:** <https://doi.org/10.5169/seals-230231>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 05.02.2025

**ETH-Bibliothek Zürich, E-Periodica, <https://www.e-periodica.ch>**



## Pages fribourgeoises

### On bon mochî dè bakon !

Kakabô èthi ou chêrvucho bao pè chu lè Broyao. On du midzoua k'èthan in trin dè fére la pitita djiyêra, mon Kakabô l'avi trovao moyin dè ch'èch-kanao. Faji le mouao dêri on-n'adze... in foumin cha pupa.

— Vouèh ! ke chè moujè, raova po to chi komêrche ! Lè-j'Aleman volon pao vinyi in Chuiche por vouè ! M'in vé alao voutî in kontre avô, che li a pao ôtchyè a medjyî : l'é lè ratè ou vintro.

Ch'abadè, ch'in va avô dou lon dè l'adze in ch'aboyhin, è arouvè vè na méjenèta. La pouaorta èthi grant'èkalaobraoye. Mon Kakabô, galéjamin afrontao, intrè è braomè : « Heu ! » Nyon ne rèpon rin. Ch'in va in'nan le pouèrtso, intrè à l'othô... pao on-n'aorma ! Raoudzê ! Vè on galé mochî dè bakon — povi n'in-davi na bouna demi-luvra — pindu à la parè. N'èthi pao on dè hou-j'imbourè k'impyéyon po frotao lè réchètè, ma na ! Èthi on to bì mochî dè bakon, vo djyo. Vouèh ! ke chè moujè nothen 'inguenô, volon pao réfoujao on mochî dè bakon à-n'on pouè chudao. Le yètè, è chè betè a

roudjyî dèveron. L'avi atan koournè, ka na vîye fèkala arouvè to d'on kouè pè na pouaorta dè hyan. In vèyin chti chudao drè ou mitin de l'othô, i fao :

— Mao ! to parè !

Kakabô l'a kudjyî ch'èchplikao. Ma la pouèra vîye èthi chorda kemin na hyotse. A la fin, l'a to pari réuchi à chè fére à komprindre : èthi pao on laore, nè on kroûye tsin, ma l'avi fan è èthi intrao po dèmandao a vivre. In payin, bin-n'intindu ! L'é medjyî chi mochî dè bakon k'èthi pindu inke, ke li di ; vouère fao the ?

— Ma to parè ! ke fao a vîye ! L'è pao pochubyo !

— Vouère fao ? ke rèpètè Kakabô in chè moujin ke l'anhyan'na l'avi pao komprè.


— Ma to parè ! ke rè fao la vîye fèkala, l'è pao pochubyo !

— Ma fê, ke li rèpon Kakabô, l'è dinche : l'avé bin fan, le vo paoyèri.

— L'è pao tchyèchon dè payî, ke li fao la vîye... ma vo l'i medjyî ?

— Bin chur, ke rèpon Kakabô, ke li komprenyi gota à totè hou-j'èchklama-chyon. Ma !... ma !... ma ! ke fournè pè dre la vîye, l'è le mochî dè bakon ke men 'omo impyéyivè po chè frotao kan l'avi le lâ !

*Jèvié.*



## TREUTHARDT

LAUSANNE

Rue St-Pierre 1 (arcades Cinéma Atlantic)

EXÉCUTION SOIGNÉE DES  
ORDONNANCES MÉDICALES